

rant, arant, feminant, occant, fruges demerunt, & recondunt, in utrumque instructissimi, sic illis labor in orbem agitur. Cumque subinde hic naufragia fiant, objacent enim littori formidolosa illa navigantibus vada, & * pulvini, quæ *The Godwin*, (de quo suo loco in insulis) *The Brakes*, *The four foot*, *The VVhitdick*, &c. vocitant; strenuam in mercibus recuperandis operam navare solent.

* *Sheltes.*Thutupia.
Portus
Trutulensis.
Richborow.

Ad Australe *VVantsumi* ostium, quod alveum mutasse credunt, è regione insulæ apposita fuit urbs, quæ Ptolemæo RHUTUPIÆ, Tacito PORTVS TRVTVLENSIS, pro *Rhutupensis*, si B. Rhenanus nos non fallit, Antonino RHITVPI PORTVS, Ammiano RHVTUPIÆ STATIO, Orofio RHVTUPI portus & civitas, Anglis, teste Beda, *Reptacester*, aliis *Rupimuth*, Alfredo Beverlacensi *Richberge*, hodie *Richborow*; sic in uno eodemque nomen variando lusit tempus. Vnde hoc enatum nomen in confesso non est. Veruntamen cum à fabulo loca huic vicina *Sandwich*, & *Sandibay* denominentur: & *Rhyd Tuffith* Britannice *Vadum sabulosum* sonet, inde, si auderem, libenter deducerem. In dejectu collis urbs exporrecta videbatur. Arx editiori loco Oceano imminebat, qui ita jam arenis investis excluditur, ut à milliari vix eam salutet. Longe celeberrima fuit Romanis rerum potientibus. Hinc è Britannia in continentem frequens trajectus, ad hanc Romanæ classes appulerunt; Lupicinus à Constantio in Britanniam ad coercendas Scotorum & Pictorum excursiones missus, Herulos, Batavos, & Mœsiorum numeros hic exposuit. Theodosius etiam Theodosii Augusti pater (cui statuas, testante Symmacho, equestres ob Britanniam pacatam Senatorius ordo decrevit) cum suis Herculis, Iovis, Victoribus, Fidentibus (hæ Romanorum erant cohortes) huc delatus est. Postea cum Saxones piratæ sublatis commerciis maria bello intercluderent, & littora nostra crebris latrociniis infestarent, Legio Secunda Augusta, quæ à Claudio Imperatore è Germania traducta, plurimos annos Iscæ Silurum in Wallia confederat, huc translata, præpositumque suum hic habuit sub Comite littoris Saxonici. Quam præposituram fortasse gessit Clemens ille Maximus, qui in Britannia à militibus Imperator salutatus Gratianum interfecit, & postea Aquileiæ à Theodosio occisus. Hunc enim Ausonius Rhutupinum latronem in his versiculis de Aquileia dixit,

Clemens
Maximus.

*Maximus armigeri quondam sub nomine lixa.
Felix quæ tanti spectatrix leta triumphi,
Fudisti Ausonio Rhutupinum Marte latronem.*

Alium etiam Rhutupiarum præsidem Flavium Sanctum ab oblivione in Parentalibus suis vindicavit idem Poëta, de quo cecinit,

*Militiam nullo qui turbine sedulus egit,
Præsida letatus quo Rhutupinus ager.*

Sunt qui
Rutupini
nomine
Britanniam
omnem
intelligi
volunt.

Claudium Contentum patrum, qui ingentem pecuniam scœnori inter Britannos occupatam, & usuris multiplicatam extraneis morte præreptus liquit, hic etiam situm funebri carmine profequitur Ausonius,

*Et patruos Elegeia meos reminiscere cantus,
Contentum, tellus quem Rhutupina tegit.*

Post Saxonum adventum floruerunt etiam Rhutupiæ. Ethelberti enim Cantii regis Regiam fuisse memorant scriptores, Bedaque civitatis nomine insignivit. Iam inde deficere cœpit, nec nomen usquam legitur, nisi apud Alfredum Beverlacensem, qui Alcherum cum Cantuaritis Danos spoliis implicatos, ad hanc, *Richberge* tunc dictam, fudisse prodidit. Nunc vero vestigia ejus omnia tempus erasit, utque nos doceat Urbium perinde ac hominum fata volvi, hodie arum est, in quo platearum tractus cum feget succreverit, se interfecantes videas. (Vbicunque enim plateæ duxerunt, rarefcit feget) quas vulgo *S. Augustines cross* appellant. Et semiruta quædam arcis mœnia solum supersunt, quadrata forma fabulo tenacissimo materiata. *Ανερόμωλον* esse dijudices, situ adeo sublimes uliginosam in Taneto planitiem despicit, quam Oceanus se paulatim subtrahendo destituit. Urbis autem area nunc aratro profcissa nummos Romanorum aureos, & argenteos, vetustatis sua indicia sæpè numero egerit, prolemque suam paulo inferius ostendit, quam à fabulo *δονορύς* dixerunt Saxones, nos vero *Sandwich*. Hoc è quinque portuum, quos vocant, numero, ad Septentriones & occasum mœnibus, alias aggere, flumine, & fossa munitum, olim Danorum furores, superiori ætate Gallorum ignes sensit; nunc incolis satis frequens, licet portus ex aggestis arenis, & magna nave oneraria Pauli III PP. in ipso alveo depressa, non sit majoribus navigiis ferendis justa altitudine.

Sandwich.

Sub Rhutupiis Ptolemæus CANTIVM promontorium, quasi extremum hujus anguli verticem statuit, quod corrupte nonnullis exemplaribus NVCANTIVM, & ACANTIVM, & Diodoro CARION, nobis hodie *The Foreland* dicitur. Verum omnia hæc circumquaque littora à Rhutupiis *Rhutupina littora* Poëris dicuntur. Hinc Juvenalis cum Curtium Montanum delicatulum ventriconem satyricè infestaretur, de ostreis ex hoc littore Romam delatis:

Cantium
Prom.*The Foreland.*Rhutupina
ostrea.

— nulli major fuit usus edendi
*Tempestate mea, Circais nata forent, an
Lucrinum ad saxum, Rhutupinove edita fundo
Ostrea, callebat primo deprendere morsu.*

Et Lucanus:

Aut vaga cum Thetis, Rhutupinaque littora fervent.

A Cantio promontorio in Austrum per aliquot milliaria crebro colle exurgens procurrit littus. Sed cum ad *Sandon*, id est, *tumulus arena-* *Schandon.* *Deale.* *Vbi Cæsar appulit.* *ruius, & Deale* castra vicina pervenerit, quæ Henricus VIII patrum memoria extruxit, subsidet, planumque & apertum mari objacet. Ad *Deale* illud, *Dole* Ninnius vocat (& vere opinor, jacentem enim & apertam ad mare, vel flumen, planitiem sic hodie appellant Britanni nostri) Cæsarem appulisse constans est fama, Ninniusque suffragatur, qui barbare scripsit: *Cæsar ad Dole bellum pugnavit*. Tabula item pensilis in Castro Doverensi, hoc idem comprobavit, fidemque etiam facit Cæsar ipse, qui aperto & plano littore se terram conscendisse, difficilique pugna à Britannis exceptum memorat. Vnde Lelandus noster in Cygnea Cantione:

*Iactat Dela novas celebris arces,
Notus Casareis locus trophæis.*

Ille